

200.193

32

33

儒居縣志

儒居縣志卷之十六

貞節列傳

寧玉碎毋瓦全皎然不欺其志惟讀書學道君子能耳婦人不讀書識字莫談說道理何望哉然往匕至性所發輒殉義捐軀萬死不回彼讀書識字談說道理者或顧而却走焉至若廻翔審視歷艱危而存藐諸孤白紛抱完璧卽古大臣之從容就義寧多讓耶雖欲置諸身得而置諸

宋

吳氏女年十八有殊色呂思囊亂亡匿山中聞其

儒居縣志

卷十六

貞節

美緝獲之吳給曰大王誠不棄今辱下陳妾三生幸也然非蠲吉不可呂從之諏日置酒極歡候呂醉挾匕首希斷其喉誤中肩呂寤纏其髮于柱支解之

彭氏張華宗子廕生公德妻公德早世無子父母謀別醮彭曰夫君亡矣厥弟纔襁褓姑憮匕床簣彌數月兒爲之婦不能以死殉顧忍他適而任其親之不養弟之不育哉復強之引刀自刑其面乃已夜雨青燈歷四十年如一日有詔錄忠臣後彭節始上聞封孺人表其閭曰忠節世



家

元

吳氏女至元間兵亂父携避山中寇執而欲私之叱曰吾劍顧不利耶不從卽齒之女堅拒寇先刃其父以脅之女大慟曰父緣我死尙從汝乎以手自扼其喉而死

明

某氏二女父怨見別傳有旨族誅千戶某以兵至比其姿又不能下要之曰二美若無投梭之拒可無死鄭佯曰賤妾度已入鬼錄將軍幸憐而

儒居縣志

卷十六

貞節

二

生之惟將軍命千戶以爲然防稍疎乘間投井死

沈氏孝子戴彥信妻彥信代父死沈氏尙少富家聞其美且有行爭聘之沈曰吾頸可斷首可碎志不可奪也奉姑教子終其身

裴氏徐仲成妻年二十而寡撫遺腹之孤貧甚繼績以自給會大雪逾日不火隣或授之粲拒不受冰節垂老無玷

土氏舉人暨仁壽妻仁壽有才而豪每酒闌劍罷輒倚檻長歌王常按花枝和之交相得旣而仁

壽北上以詩觸忌諱誅王年二十貧而無子矢志柏舟終身不二事聞諂表其閭

顧氏名惜寶嘉靖間倭寇掠懷仁女年十五與父妾阿香被執賊艷之延以女伴可給賊行至坐口湖層崖百丈下墮深淵語阿香曰吾得死所矣阿香曰爾能死吾豈獨生遂俱投于湖而死

陳氏應宗儒妻也宗儒死二子曇昌方在襁豪右覬其貲多方排陷之陳不少挫值歲饑指其廩曰禍本也盡出以周里之貧者家因之日落而

儒居縣志

卷十六

貞節

三

守彌貞有司以聞諂表其閭

陸氏名瑛張惟本妻惟本病漸謂陸曰命盡矣母

老息煢也卿年少奈何陸曰萬一不諱君俯仰

計妾希貽以安君勉爲慰異日誓能以完璧見

君手夜臺也頃之惟本卒陸年甫二十哭之哀

甚經紀喪葬各如禮自律森如稱未亡人六十

稔非大慶吊足不越限課子宗德宗弘以義方

有過不直督涕泣輟飲食感動之姑吳氏亦少

寡撫惟本方成立而不祿不勝哀楚陸多方致

吳歡令得引餘年侍郎盧迥詩曰冰操泣鬼神

丹衷昭日月事姑兼訓子凜々貞超越惟本齋
孫儒士鍾碩妻徐氏府椽源慧妻朱氏生員相
圭妻陳氏生員相組妻應氏並青年苦守節有
陸風而朱遭逢亂世賦役旁午禍患相尋坎坷
殆甚食貧守子々死又守孫尤稱百鍊之剛
魏氏林世珍妻年二十寡且無子茹荼矢守詔旌
其間

吳氏年十九歸生員尹德衮甫二年衮死遺孤方
一歲父母欲奪之曰人惑親利吾奮耳取嫁時
衣飾盡焚之以死自誓舅姑繼亡室如懸磬其

遷居縣志

卷十六

貞節

四

操彌堅

王氏生員張源泝妻年十九源泝死無子立志苦
守冰霜之操始終如一壽踰八十而卒邑侯陳
起龍頌其堂曰柏舟清節源泝弟生員源澧妻
林氏姪生員相道妻蔣氏俱少寡守節克撫其
孤成立應方伯汝化爲作三節傳

潘氏年二十二夫吳炳用死男一甫三歲未幾亦
死潘哀泣曰天兮毒甚矣哉雖然志決矣誓無
他也臥夫棺側者二十年會倭寇薄城兄弟邀
與避曰舅姑在忍棄之去乎于是兄弟爲拜曰

姑行潘徒步尾之君子曰匪直潘賢也厥兄弟並有國士風炳用弟生員炳徵妻金氏年二十三而寡任時永妻亦金氏年十九寡行不踰閭寤不離棺撫遺腹孤艱辛底于成立兩無愧于潘而潘無子尤難云

兩王氏者一蔣伸妻一蔣弼妻也俱二十而寡冰蘖自守以完節終

張氏蔣熠妻年甫二十熠死矢志苦守垂白無玷林氏同政應麒女初臨海錢楞爲子灼求麒女爲婚旣成言而灼病痿四體孿縮勿能動履楞遺

書使更擇配麒不忍逡巡十載女年二十四矣灼病如故時楞別駕襄陽麒謫泰安判又遺書促之麒不已以書示其子元挺告其女使自擇女讓之曰弟讀書有年不聞夫之不幸妾之不幸乎昔不病而今病非吾命耶遂臥床勺水不入口者七日或勸之曰爾抱完璧棄此他就何不可曰人之所貴者心也旣許矣身又別屬自念得無愧乎吾必歸錢若相迫死耳家人知莫奪乃許治裝歸灼女始食于時灼病忽霍遂卜吉成齋禮束帶出見客容色旣澤倍于常人視

之莫不曰天監女心爲是福報也

尹氏廩生張桴妻通經史善詩詞年十七歸桴七
病嘗焚香籲天祈以身代一夕夢神人以烈女
傳授之無何桴死時年二十一也子二方在襁
堅持水操閱艱瘁以撫之稍長知書親授以經
有和熊畫荻風督學萬公潮獎以金石之守之
死靡他冰玉之操垂老無玷

博士應賓妻鄭氏生員王懋統妻朱氏吳元龍妻
蔣氏張日煥妻余氏俱年二十四而寡矢志植
孤並稱完節然余知書精翰墨撫他出如已子

僊居縣志

卷十六

貞節

六

君子尤多之

顧氏儒士張堂賢妻堂賢死子太學生鐸又早世
顧氏經紀其喪畢隨自備殮具嗚咽曰吾惟從
夫子于地下耳生也何爲哀慟躑躅七日勺水
不入口一夕夢堂賢語之曰子不幸棄人間世
卿復因子故辟穀祀不遽斬耶子生平度無大
得罪于天地今告哀于司命者稍加憐焉明年
畀子之四弟得舉次子面左有痣與子同卿撫
以承厥祀卿之惠也幸無死顧氏感寤乃勉就
飲食越明年言果驗遂撫爲已子恩勤鞠育俾

有成之衆時難之尹京兆遇齋爲作異節傳
王氏邑後張澄妻也時城爲倭陷澄以身捍父被
難王氏年方艾藐孤二長榮朝次榮敬僅刀尺
矢志以守當兵燹後田廬丘墟王氏內課農桑
外理徭役夔績澡絲皆用以饒訓二子皆成名
爲時偉品值歲大饑發粟賑人全活甚衆孫八
人王氏至九旬始逝榮敬之長子存泰媳亦王
氏泰不祿無嗣王氏撫猶子永嘏及懷兄子永
晟爲後苦節冰霜終身如一日二子並有聲賢
序人以爲天報云

王氏生員吳錫年妻年二十五夫卒無子一慟而
絕移時復甦集族長者爲夫立嗣事畢從容自
經于棺側顧邑令震宇扁其門曰貞烈

李氏右都景山公曾孫女也爲邑南諸生蔣漢臣
妻合卺未幾臣賁志卒欲以死殉舅姑守之不
能得後遺腹產子錫名學孟督其勤學有畫荻
風事舅姑以孝聞飲冰茹蘖苦節異人四十餘
年不見言天尤爲僅事云

徐氏生員張門熹妻處士徐鍾臣女也門熹涵養
寡言有大志勿孤最孝處室和易惜天徐年一

十誓守子吉人徐性嗜經史節義及子食餼後
雖霜天劇冷仍以機杼佐讀輒誡曰讀書須見
聖賢心行聖賢事毋徒名借也子吉人更善孝
敬婉容定省病不解衣徐年七十有六無疾而
終諸孫環竒人皆曰後漢大家之再見也

張氏生員徐洪蛟妻洪蛟父鍾臣以厚德著洪蛟
善髀父志端行動學訓諸弟皆成名惜得疾早
世病革時家徒四壁無以爲殮囑張曰我沒汝
年青須再醮無爲見誤也張泣曰君不幸即妾
不幸敢二志耶遂斷髮爲誓守子秉志至弱冠

亦夫媳陳氏遺孫時明守節不減于姑嬖績共
耳和畫訓子邑侯鄭錄勲以雙節濟美表其間
余氏王懋學妻生員余栢隆女懋學早喪父母尚
存余孝事舅姑守子熙吉熙教成立家聲克振
人多輒舉稱之

張氏趙廷亨妻廷亨負才歿張年二十八妾連氏
亦年二十八同守子志先志鵬迎師和胆脩極
教訓有聲譽序

王氏張世楷妻二十五而寡守雲森等三子俱成
立持樞勤勞茶蓐脩嘗五十餘年苦節最著

王氏應洪憲妻洪憲暴歿家頗饒子俱刀尺窺之者叢集不利其守也王破容自矢內課農桑外理徭賦守子桂成桂德桂昌俱成名

吳氏生員張義時妻義時亡後屢經寇變遠避無辱田荒賦在脩歷艱辛吳妾同志全節機績訓子家賴以存

朱氏趙佳球妻佳球父炳鼎有懿範聞佳球歿朱年少性稟貞嚴守子叔仁成立娶張鼎熹女爲總無何叔仁亦天子僅刀尺張繼姑志爨煙幾絕秉德不回四十餘年如一日也

李氏潘席珍妻二十三歲寡矢志訓子應瑞成名
余氏王懋斗妻素性幽閨貞靜年二十五寡茹荼守子熙翰娶媳廩生戴仁女戴氏至孝繼以節

著蘭桂森七

朱氏生員應洪紳妻二十五歲矢守子尔翼年方襁褓晝菽訓子成名濟美家聲

趙氏朱君偕妻年三十寡無嗣守志無他織棗自給壽九十終陳孝婦云寧載義而死趙得之矣
趙烈婦儒士炳旻女也明亡被俘至河埠溪兒口聞夫張玄間已見殺齒破指血題一絕于衣襟

云笳聲滿地不堪聞天道人倫那足云聽得睢
陽空有舌裙釵祇合弔湘君遂投河而死迨
國朝甲寅寇陷城乙卯仲春之一日克復士女
罹玉石俱焚之慘時有顧平泰女爲夏閻吳金
妻年十六色甚麗避難湖頭爲旗軍所獲抱馬
上馳討給之得聞赴水虎白壁無瑕光爭日月
又有廩生余廣生妹曰錦娘者引刃自刑其頸
生員葉茂陵妻余氏繫累會城炭橋防護綦嚴
越二稔始得茂陵一訣隨以手扼喉而死匕之
後空中常有石亂擊人咸嗟異之君子皆謂其
有趙風焉

儂居縣志

卷十六

貞節

論曰婦人以柔爲德強項非閨壘事也乃一
旦而蘭折而蕙焚而雷驚電駭而鴟號狐獐
非智能衛足膽可包身剛大之氣塞兩間鮮
不回惑焉儂俗龐矣其士女之矢貞抱節有
隕岩沉淵觸鉞戟犯虎豹勿顧雖茹酸一時
流爍千古斯固居然烈丈夫也豈視之乎哉

